

मार्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

1. भारतीय सशस्त्र बलें पाकिस्तान ते पाकिस्तान दे गैर कनूनी कब्जे आहले जम्मू-कश्मीर च 9 आतंकवादी ठकानें गी नशाना बनाइयै आपरेशन सिंदूर दी शुरूआत कीती। प्रधानमंत्री नरेंद्र मोदी होरें इस अभियान दी निगरानी कीती।
 2. पाकिस्तानी बलें पुंछ ते राजौरी च गोलीबारी कीती। भारतीय सेना आसेआ ओदा बनकदा परता दिता गेआ ऐ।
 3. अज्ज मुख्य भरै च नागरिक सुरक्षा सरबन्धी मॉक ड्रिल दा सरिस्ता कीता जा'रदा ऐ।
 4. मौजूदा स्थिति गी दिक्खदे होई बन्ने कन्नै लगदे जम्मू खिते दे 5 जिलें च स्कूल, कॉलेज अज्ज बंद रौहडन।
 5. भारतीय सशस्त्र बलें दे ब्हाई हमले मगरा जम्मू-कश्मीर सने भारत दे कई सारे ब्हाई अड्डें गी बंद कीता गेआ ऐ। एयरलाइन्स नै यात्रिएं गी आखेआ ऐ जे ओह यात्रा थवां पैहले डोआरी दी स्थिति दा पता लाई लैन।
- हून खबरें दी तफसील कन्नै श्रुति खजूरिया।

<><><><><><>

India-Operation Sindoor

भारतीय सशस्त्र बलें पाकिस्तान ते पाकिस्तान दे नजैज कब्जे आहले जम्मू ते कश्मीर च अद्धी रातीं आतंकवादी ढांचे पर नशाना लांदे होई ऑपरेशन सिंदूर दी शुरूआत कीती। जिनें ठकानें पर सशस्त्र बलें हमला कीता ऐ, उनें ठकानें थवां भारत खिलाफ आतंकवादी हमले दे निर्देश दिते गए ते योजना बनाई गई ही। रक्षा मंत्रालय नै इक बयानै च ओआ ऐ जे 9 आतंकवादी ठिकानें गी निशाना बनाया गेआ। मंत्रालय नै आखेआ जे सशस्त्र बलें दी कार्रवाई दौरान कुसे बी पाकिस्तानी सैन्य केंद्र गी निशाना नेई बनाया गेआ। मंत्रालय दा आखना ऐ जे अभियान दौरान कार्रवाई लक्षित ही। भारत नै अपनी कार्रवाई दौरान पूरे संयम दा प्रदर्शन कीता। ऑपरेशन सिंदूर पर व्यापक जानकारी मंत्रालय आसेआ हुनै थवां किश चिरें मगरा 10 बजे दिती जाग। प्रधानमंत्री नरेंद्र मोदी होरें ऑपरेशन सिंदूर दी रातीं भर लगातार निगरानी कीती। इस बारै अपनी प्रतिक्रिया दिंदे होई ब्रिगेडियर रटैर V.S. Dheman होरें आखेआ।

<><><><><><>

Rajnath-Op. Sindoor

रक्षा मंत्री राजनाथ सिंह होरें ऑपरेशन सिंदूर पर अपनी प्रतिक्रिया दिती ऐ। एह अभियान पहलगाम च होए दे आतंकवादी हमले जेदे च 26 लोक मारे गे हे, दी पच्छौकडै च होआ ऐ। अपने सोशल मीडिया पोस्ट पर रक्षा मंत्री होरें लिखेआ “भारत माता की जय”।

<><><><><><>

Add Rajnath Sanjay Dwivedi

पहलगाम आतंकवादी हमले च मारे गेदे शुभम द्विवेदी दे पिता संजय द्विवेदी होरें आपरेशन सिंदूर गी अंजाम देने लेई भारतीय सेना ते प्रधानमंत्री नरेंद्र मोदी हुंदा धन्नवाद कीता। आकाशवाणी समाचार कन्नै गल्ल करदे होई उनें आखेआ।

<><><><><><>

LoC-Firing

भारतीय सेना नै आखेआ ऐ जे पाकिस्तानी बलें आसेआ पुंछ ते राजौरी इलाके च संघर्ष विराम दी इक बारी फी खिलाफवर्जी करदे होई गोलाबारी कीती ऐ। सोशल मीडिया दी इक पोस्ट च भारतीय फौजें आखेआ ऐ जे औदे आसेआ पाकिस्तान दी इस हिमाकत दा शैल बनकदा परता दिता जा'रदा ऐ।

<><><><><><>

Mock-Defence

समूलचे मुख्य दे 244 जिलें च अज्ज नागरिक सुरक्षा सरबन्धी मॉक ड्रिल दे मददेनजर अग्निशमन सेवा, सिविल डिफेंस ते होम गार्ड दे महानिदेशक विवेक श्रीवास्तव होरें आखेआ ऐ जे आम लोकें गी घाबरना नेई लोडचदा कीजे एह शुरुआती अभ्यास ऐ। उन्नं लोकें गी स्वयं सेवकें कन्नै सहयोग करने दी अपील कीती। आकाशवाणी समाचार कन्नै इक विशेष इंटरव्यू च उन्नं गलाया जे एह लोकें गी कुसा बी बाहरी ताकत दा मुकाबला करने लेई तैयार करने दा अभ्यास ऐ।

<><><><><><>

ते हुन बाकि दिएं खबरें कन्नै पूनम डोगरा ।

PM-Water

प्रधानमंत्री नरेंद्र मोदी होरें आखेआ ऐ जे भारत दा पानी भारत दे लाह लेई गै बगोग, भारत दे फैयदे लेई गै एहदे लेई गैंs एहदी सांभव सम्भाल कीती जाग ते एहदा इस्तेमाल भारत दी प्रगति लेई गै कीता जाग। कल नमी दिल्ली च इक्क निजी टी.वी चैनल दे सम्मेलन च बोलदे होई प्रधानमंत्री होरें अतीत दी उस स्थिति दा जिक्र कीता जदूं भारत दे हिस्से दा पानी ओहदे बन्नै थमां बाहर बगिये जंदा हा। उन्नं गलाया जे हून भारत दा पानी देश दे अंदर गै रौहग ते देश दे विकास लेई अपने सेई उद्देश्य गी पूरा करोग।

<><><><><><>

School-Closed

मौजूदा स्थिति गी दिखदे होई जम्मू, साम्बा, कठुआ, राजौरी ते पुंछ च सारे स्कूल, कालेज ते शिक्षा इदारे बंद रौहडन। इस सरबन्धे च जम्मू दे डिविजनल कमिशनर रमेश कुमार हुंदे आसेआ हुक्म जारी कीता गेआ ऐ। प्रशासन आसेआ एह गैंs एहतियात दे तौर पर पुट्टी गेई ऐ। लोकें गी आखेआ गेआ ऐ जे ओह अगड़ी जानकारी ते हिदायतें ते दिशा-निर्देशें लेई अधिकारिक जानकारी गी दिक्खदे रौहन।

<><><><><><>

Airport-Closed

पाकिस्तान ते पाकिस्तान दे नजैज कब्जे आहले जम्मू-कश्मीर च भारतीय सशस्त्र बलें दे ब्हाई हमलें मगरा मुख्ये दे उत्तरी हिस्सें च केई ब्हाई अड्डें गी वाणिज्यिक संचालन आस्तै बंद करी दिता गेआ ऐ। स्पाइस जेट नै आखेआ ऐ जे धर्मशाला, लेह, जम्मू, श्रीनगर ते अमृतसर च ब्हाई

अड्डें गी अगले हुकमै तगर बंद कीता गेआ ऐ। इंडिगो नै अपने यात्रियें गी इन्हें ब्हाई अड्डें पर डोआरी दी ताजा स्थिति दा पता लाने दी सलाह दिती ऐ। एयर इंडिया नै जम्मू, श्रीनगर, लेह, जोधपुर, अमृतसर, भुज, जामनगर, चंडीगढ़ ते राजकोट दी अपनी डोआरिएं गी अज्ज दपैहरी 12 बजे तगर लेई रद्द करी दिता गेआ ऐ। ज्यादातर विमान सेवा उपलब्ध करोआने आहलें यात्रियें गी यात्रा शुरू करने थवां पैहले डोआरी दी स्थिति दा पता लाने दी सलाह दिती गेई ऐ।

<><><><><><>

CM-Pension

मुख्यमंत्री उमर अब्दुल्ला होरें सिविल सचिवालय च पेंशन सुविधा पोर्टल दी शुरूआत कीती जेड़ा जम्मू-कश्मीर च सरकारी कर्मचारियें लेई पेंशन प्रक्रिया गी डिजिटल बनाने दी बता च इक्क बड्डी गैंs ऐ। माली विभाग आसेआ विकसित एह पोर्टल ऑनलाइन पेंशन आवेदन पीपीओ जारी करना, के.वाई.सी अपडेट, जीवन प्रमाण पत्र जमा करने लेई जीवन प्रमाण दा सक्षम बनांदा ऐ। एह 24 लक्ख शा मते पेंशन भोगियें दा समर्थन करदा ऐ ते सेवा ते वेतन वितरण लेई JKHRMS ते JKPay Sys दे कन्नै एकीकृत ऐ। इस मौके उप्पर बोलदे होई मुख्यमंत्री होरें रिटायरमेंट दे बाद दी प्रक्रिया गी सखल्ला बनाने उप्पर जोर दिता।

<><><><><><>

Electoral-Polls

27 बडगाम ते 77 नगरोटा विधानसभा हल्कें लेई बूथ सतह दे अफसरें आसेआ तैयार मतदाता सूचियें गी 8 अप्रैल 2025 गी प्रकाशित कीता गेआ। एहदे लेई घर-घर जाइयै सर्वे करोआया गेआ हा। सियासी पार्टिएं इन्हें मतदाता सूचिएं दी तसदीक करने लेई 279 बूथ सतह दे एजेंट नियुक्त कीते। खीरी मतदाता सूचियें गी 5 मई गी प्रकाशित कीता गेआ ते इसी सारी पार्टिएं कन्नै सांझा कीता गेआ। सरबंधी कन्नू दी दफा 24-ए तैहत चुनांस पंजीकरण अधिकारिएं दे फैसले पर जेकर कोई अपील करना चाहंदा ऐ तां ओह जिला मैजिस्ट्रेट दे दफ्तर च करी सकदा ऐ।

<><><><><><>

Tourism

जम्मू दे सैलसफा दे बुनियादी ढांचे गी बढ़ावा देने लेई मुख्यमंत्री हुंदे निर्देश मूजब पर्यटन वित्त, पीडब्ल्यूडी ते जंगलात अधिकारिएं दी इक सांझी टीम नै साहसिक केंद्र दे रूप च एहदी क्षमता दा आंकलन करने लेई सरूईसर झील दे ऐथम दा दौरा लाया। जायंट ड्रैक्टर टूरिज्म एजाज केसर हुंदे नेतृत्व च इस थाहर गी आई.आई.एस.एम-गुलमर्ग आसेआ पैराग्लाइडिंग दे तर्ज उप्पर विकसित कीता जाग। सैलसफा विभाग दियां कमिशनर सैकरेटरी यशा मुदगल होरें सब्भन हितधारकें गी पर्यावरण दे स्हाबै योजना बनाने दे निर्देश दिते।

<><><><><><>